



XOGO DE CARTAS

# BULE NA COCIÑA!

ESTADES TRABALLANDO NUNHA CASA DE COMIDAS E OS PEDIDOS ESTÁN A REBOSAR.

BULIDE!

OS COMENSAIS ESTÁN FAMENTOS E NON- PODEMOS DEIXAR QUE SE MARCHEN SEN A SÚA COMIDA, OU O ENCARGADO TIRARÁNOS DAS ORELLAS.

XUNTA TODOS OS INGREDIENTES QUE TEÑAS NA TÚA CARTA DE PEDIDOS E CONSEGUE PREPARAR ASÍ O PRATO A TEMPO.

Adéntrate na cociña coa túa familia e amigos. Non deixes que os nervios che pasen factura e se o máis rápido.

## COMO SE XOGA?

Cada xogador terá na súa posesión 3 cartas vermellas con diferentes receitas. O mazo de cartas azuis estarán no centro da mesa, bocabaixo.

Cada xogador deberá conseguir os ingredientes necesarios para elaborar as receitas que teña. Para iso, por turnos, cada un levantará unha carta azul do montón central e a deixará ao carón do mazo de forma que todos os xogadores podan vela. Se necesitas esa carta, podes collela, pero... COIDADO! ese mesmo ingrediente o poden necesitar outros xogadores. Entón comeza o DUELO. O primeiro xogador en poñer a man enriba da carta do medio, será quen se leve ese ingrediente.

Se gañas a carta, deixaa enriba da carta da túa receita correspondente. Cando consigas reunir o conxunto dos tres ingredientes de cada receita, gañarás 1 punto.

O xogador que reúna máis puntos ou quen consiga antes os ingredientes de todas as súas receitas, será o gañador, sendo así o traballador do mes.



## INSTRUCCIÓNS

En total hai 125 cartas. Dentro de estas encontrarás dous tipos de cartas:

**-As cartas de cor vermella:** Hai 30 cartas de receitas nas que se mostran os ingredientes máis representativos para poder facer a receita.

Cada carta estará composta por tres ingredientes que terás que xuntar para poder rematar a receita exitosamente e que che conte para a puntuación.

**-As cartas de cor azul:** Hai 95 cartas que serán os nomes e o debuxo dos diferentes ingredientes que deberás utilizar.



## COUSAS A TER EN CONTA:

-Se no duelo dous xogadores poñen a man a vez sobre a carta, levaráse a carta do ingrediente a persoa que máis dedos teña na superficie da carta.

-Cando sexa o teu turno, coa man que das a volta a carta do mazo central, non a poderás coller. Terás que utilizar a outra man.

-Se te equivocas e entras nun duelo por un ingrediente que non necesitas para os teus pedidos, terás unha penalización dunha ronda sen coller carta de ingredientes.